



Na osnovu člana 6. stav (2) Zakona o investiranju javnih sredstava ("Službene novine Federacije BiH", broj 77/04 i 48/08), člana 19. i 141. Statuta Općine Novo Sarajevo („Službene novine Kantona Sarajevo“, broj 05/20 - prečišćen tekst i 20/20 – ispravka) te člana 3. Pravilnika o investiranju javnih sredstava Općine Novo Sarajevo („Službene novine Kantona Sarajevo“, broj 43/13) Općinsko vijeće Novo Sarajevo je na 1. redovnoj sjednici, održanoj dana 06.02.2025. godine, donijelo

POLITIKU INVESTIRANJA RASPOLOŽIVIH JAVNIH SREDSTAVA OPĆINE NOVO SARAJEVO ZA 2025. GODINU

Član 1. (Predmet)

- (1) Politikom investiranja raspoloživih javnih sredstava Općine Novo Sarajevo utvrđuju se smjernice za odlučivanje o vrsti odobrenih investicija u koje će se ulagati raspoloživa javna sredstva, najvećem dozvoljenom iznosu ulaganja kao i drugim okolnostima značajnim za određivanje stepena rizika ulaganja.
- (2) Investiranje raspoloživih javnih sredstava dozvoljava se isključivo u cilju povećanja rentabilnosti, odnosno povećanja resursa Općine Novo Sarajevo.

Član 2. (Investicioni menadžer)

- (1) O imenovanju investicionog menadžera Općinsko vijeće donosi posebnu Odluku.
- (2) Investicioni menadžer Općine Novo Sarajevo u ime investicione institucije ima ovlaštenje da upravlja raspoloživim javnim sredstvima i odlučuje o investicijskim aktivnostima uz uvažavanje principa sigurnosti, likvidnosti i rentabilnosti.
- (3) Prava upravljanja i odlučivanja iz prethodnog stava investicijski menadžer ne može prenijeti na treće lice bez saglasnosti Općinskog vijeća.

Član 3. (Sredstva investiranja)

- (1) Pod javnim sredstvima podrazumjevaju se sva budžetska sredstva, porezni i neporezni prihodi, naknade, vlastiti prihodi, primici, transferi, donacije, krediti i grantovi.
- (2) Raspoloživa javna sredstva su sva novčana sredstva iz stava 1. ovog člana koja trenutno nisu potrebna za druge namjene niti su ograničena drugim namjenama a odnose se na sredstva na svim transakcijskim računima Općine Novo Sarajevo, izuzev izdvojenih donatorskih sredstava na posebnim računima.

Član 4. (Način investiranja)

- (1) Raspoloživa javna sredstva Općine Novo Sarajevo će se investirati isključivo u oročene depozite bilo koje banke (depozitara) koja je članica Agencije za osiguranje depozita Bosne i Hercegovine, te oročene depozite kod Centralne banke Bosne i Hercegovine, u skladu sa Zakonom o Centralnoj banci Bosne i Hercegovine („Službeni glasnik BiH“, broj 1/97, 29/02, 8/03, 13/03, 14/03 - ispr., 9/05, 76/26 i 32/07).
- (2) U skladu sa ograničenjima predviđenim Zakonom o investiranju javnih sredstava („Službene novine Federacije BiH“, broj 77/04 i 48/08) investicionom menadžeru dozvoljeno je, u skladu sa iznosom raspoloživih sredstava koji namjerava oročiti, izvršiti odabir više od jedne banke pod najpovoljnijim uslovima za Općinu Novo Sarajevo.
- (3) U svrhu investiranja sredstava Općina otvara poseban račun za investiranje koji ulazi u sistem Jedinstvenog računa trezora, u skladu sa Zakonom o trezoru u FBiH („Službene novine Federacije BiH“, broj 26/16 i 3/20).

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

- (4) Izbor depozitara iz stava 1. ovog člana vrši se neposrednom pogodbom, sa onim bankama koje ponude najpovoljnije uslove investiranja (kamatna stopa, rok dospeljeća, prijevremeni raskid i dr.).
- (5) Izbor banke iz stava 3. ovog člana vrši se u skladu sa propisima koji regulišu javne nabavke.

Član 5.
(Ograničenja)

- (1) U oročeni depozit kod jedne banke ne smije se investirati više od 25% raspoloživih javnih sredstava kojima raspolaže Općina Novo Sarajevo.
- (2) U odobrene investicije čije dospeljeće ne prelazi sedam dana mora se investirati najmanje 10% raspoloživih javnih sredstava koja pripadaju Općini.

Član 6.
(Period investiranja)

- (1) Period na koji se sredstva oročavaju u 2025. godini ne može biti duži od jedne kalendarske godine.
- (2) Izuzetno, u uslovima oročavanja depozita sa fleksibilnim uslovima, period oročavanja može biti do 24 mjeseca.

Član 7.
(Utvrdjivanje raspoloživih sredstava)

- (1) Služba za privredu, budžet i finansije nadležna je za izradu planova novčanih tokova koji predstavljaju osnovu za izvršavanje budžeta i izradu operativnih planova. Plan novčanih tokova razmatra i odobrava Odbor za likvidnost budžeta kojeg posebnim aktom imenuje Općinski načelnik.
- (2) Na osnovu odobrenog plana novčanih tokova i usvojenih operativnih planova Služba za privredu, budžet i finansije provodi detaljne analize tržišta novca i rizika te predlaže investicijskom menadžeru modalitete oročenja raspoloživih javnih sredstava.
- (3) Po odobrenju prijedloga od strane investicijskog menadžera, Služba za privredu, budžet i finansije provodi neophodne radnje za oročenje, prati tržište i izvještava investicijskog menadžera o svakoj promjeni tržišta koja bi mogla utjecati na sigurnost oročenog depozita.

Član 8.
(Odluka o investiranju)

- (1) Investicioni menadžer donosi Odluku o investiranju za svaku investiciju posebno. Odluka minimalno sadrži podatke o:
 - a) izabranoj banci putem koje će se investirati sredstva,
 - b) iznosu sredstava koja će se investirati,
 - c) kamatnoj stopi,
 - d) roku dospeljeća investicije.

Član 9.
(Prihod od investiranja)

Prihodi stečeni investiranjem uplaćuju se na Jedinstveni račun trezora Općine Novo Sarajevo i predstavljaju prihode Općine Novo Sarajevo.

Član 10.
(Izvještavanje)

- (1) Investicioni menadžer podnosi Općinskom vijeću polugodišnji i godišnji izvještaj o efektima investiranja kao sastavni dio Informacije o izvršenju budžeta Općine Novo Sarajevo.
- (2) Evidencije o investiranju u 2025. godini dostavljaju se i Federalnom ministarstvu finansija najkasnije do 31. marta 2026. godine.

Član 11.
(Stupanje na snagu)

- (1) Ova Politika stupa na snagu narednog dana od dana objavljivanja u "Službenim novinama Kantona Sarajevo".

Broj: 02OV-01-1-1437/25
Sarajevo, 06.02.2025. godine

PREDSJEDAVAJUĆI
Općinskog vijeća Novo Sarajevo
Mr. sc. Edison Pavlović

Općina Novo Sarajevo, ulica Zmaja od Bosne br. 55, centrala telefon (387 33) 492 100
Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d



